

VYAKUDYA

1. Vashivashema dashi vamamaa?
2. Mwana shani washinnota namene tatamunu?
3. Ishaki pakangapele ashilota amwalaliye mwana shani?
4. Yakobo anduwenge dashi tatake?
5. Wako andikuduwanga munu mwanda umo? Uligwite dashi?

YAKOBO

Texto baseado na Génesis 25.19-34; 27.1-28.22



Ficha Técnica

Título: Yakobo
(Jacob)
(Jacob)

Língua: Shimakonde

Ilustrações: Art of Reading 2.0

Primeira edição electrónica, 2010

Produzido por: LIMASHI
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra



Yakobo andyúka shimwanda shake shakulikola
lyanyoke. Nnungu anínshunga na anímupa uti
vyashilota. Nnungu akava Nnungu umwe Yakobo.



Yakobo patakatwike lyamba atangwele doni:
“Nnungu andída napagwa namu nangu apa.”
Akatwala mauta kutajanga palijanga
lyaijamidile kumuti. Akashema linalyake
Bateli (mana lake ing’ande ya Nnungu).



Lindípagwa likola limo lyavamamaa. Tatamunu
vashinshema Ishaki. Ndyagwe lina lyake Labeka. Vana
vashivashema Ishau namu Yakobo. Ishau ave ntandi
kuvalekwa. Yakobo kuva wamwisho. Tatamunu
ashinnagwaledya namene Ishau. Jujumunu
ashinnagwaledya namene Yakobo.



Ishau avele nkulumbata. Nae ishinanagwela namene kwikala kumwitu. Ashivabyaa vanyama pakulota kupata kulya palikola.



Ishau ashikandyanga shakulya kumwing'a tatake. Tatamunu shishinanagwela namene, shakulya shashitaleka mwanagwe.



Yakobo pashuka kulikola lyanyoke andilala shing'ati ndila. Ikankodya indoto ya Nnungu. Andyóna shikada kwaloka kuwa kwa Nnungu mpaka pai. Andívona vanjelo va Nnungu vakwela na vanji vashuluka. Nnungu anímwalaliya Yakobo aashidoni: “Nangu UMU, Nnungu umwe Abulaamu namu Ishaki. Nakupa wako pamo na vadukuluvako ulongo waulele. Nangu navalaliya vanu uti vamushilambo mwaa wako. Nangu napagwa namu wako, na nakushunga kwawenda.”



Ishau anímmikila shitundi Yakobo. Mwaa Yakobo anínduwanga myanda mivili. Mwanda utandi anímpoka shinang’olo. Mwanda wambili andípata kwalaligwa kenga mwana ntandi. Napanelo Ishau ashilota ammyae nnung’une.

Anyoke atangwele doni:

“Tukuta shipajelo. Nkuluvo alota kukubya.”

Badae Labeka akatangola namu Ishaki aashidoni:

“Ninota Yakobo akalombe kulikola lyangu.”

Ishaki andíkubali malove landyagwe. Nae aníntuma Yakobo akalole likola lyanyoke.



Yakobo avele kenga nkulugwe. Mwaa nae ashilumbata, ishinagwela kwikala palikuta. Na kwikala shana paing’ande.



Liduva limo Ishau andyúka kukulumbata. Aujite lyulo namene, na ave na indala namene.



Ishau akauka pavele Yakobo, na akanjugwa shakulya. Ishau andijaula shinang'olo shakuva mwana ntandi, mwaa washakulya. Ishau mwaa waindala akakubali. Yakobo anintenda alilape nkulugwe.



Akatwala kukanao kwatatake na akaashidoni:

“Baba takatuka ulye shakulya shaungujugwile.
Alya na ungalaliye.”

Tatake akamudya:

“Wako unyani kavili?”

Ishau andijang'ula na kutatamela:

“Nangu nimwanao ntandi Ishau.”

Tatamunu kushidoni:

“Nangu nimwalaliya nung'uno. Hanguulula shinu
kukwalaliya kavili.”

Ishau akajugwa:

“Ngupa kwalaligwa nanangu.”

Tatake kushidoni:

“Undanama paukapali ulongo walutuba. Na
unantumika nnung'uno.”



Muwakati wowo Ishau kuja kukulumbata.




Ishau mwaa wakunkola indala namene andililapa.
Akajaula shinang'olo shake kumwing'a nnung'une.



Nanae momo kukandyanga shakulya shakunogwa.



Ishau akalya shakulya shaumidye nnung'une.



Tatamunu pakangapele meo alashilola. Napanelo nae ashilota amwalaliye mwanagwe nandi Ishau. Nae anínshema Ishau aide kulikuta lyake. Akanjugwa annumbate nnyama ankandyangidye shakulya shinagwela nae pakulota tatake amwalaliye Ishau. Anyoke akaigwa malove ala, mwaa malatelo lanyoke ashilota alaligwe Yakobo. Napanelo Ishau akauka kukulumbata.



Tatamunu atangwele doni kavili:

“Nguvandika pakulota nikwambatile.”

Likankodya lyumba lyadinguvo dimwe Ishau.

Animwalaliya aashidoni:

“Nnungu akupe ulongo walutuba na mali.

Makola avanu lakutumike. Na venentete

vakutumbyange. Ava unang’olo walikola lyako.

Vakuluvako pamo na vanung’unuvako

vakutumbyange. Nnungu anavalani avalá valota

kukulikita. Na vapate dinema avalá valota

kukutumbyanga.”



Tatamunu anímpalapata Yakobo mummili. Mwaa Yakobo agwete ligwogwe lyambudi. Tatamunu andyámini na anímwalaliya.


Kanji anímudya kavili:

“Wako nyani?”

Yakobo andíjang’ula:

“Nangu Ishau.”

Tatamunu akalya shakulya shakandyenge anyoke Yakobo.



Anyoke akatukuta namwaulila Yakobo uti vyaigwite. Nae akaashidoni:

“Tatako ankulota kumwalaliya nkuluvo. Wako vabyae vambudi vavili. Nangu nakukandyangidya shakulya shambone. Wako ukamupe tatako unduwange kenga nangu Ishau. Tatako anakwalaliya kenga mwana ntandi.”



Yakobo agwene kukamadyanga namene. Mwaa nkulugwe avenao magwimbu mummili. Mwaa tatake ashilota amwalaliye Ishau anneke Yakobo. Napanelo ilota kululika dashi kunduwanga tatake? Anyoke andikandyanga shakulya shinnagwela tatamunu. Anyoke aningwadya Yakobo dinguvo dyankulugwe. Akamungangila ligwogwe lyambudi mmakono mumwe Yakobo pakulota anduwange tatake.



Yakobo andítwala shakulya kukanao kwatatake.

Tatamunu akamudya:

“Wako nyani?”

Yakobo andíshang’apa na ate doni:

“Nangu Ishau. Ngwidanao shakulya shaujugwile.”

Tatamunu andímudya:

“Mwaa shani undipajeka namene?”

Yakobo ate doni:

“Nnungu aningutumbyanga.”

Kanji tatamunu hashamini. Nae atangwele doni:

“Nguvandika. Ngulota nikupalapate mummili.”